

Chhuah ãan : October 1984

RAMTHAR

JUNE



2023



CHALTLANG KOHHRAN BIAK IN
Central Region Missionary Retreat
(Ni 18-21 May, 2023) thlengtu

SERMON

Alabasta Thurûk

Phêk

5 - 9

KUM 39-NA

JUNE 2023

BU 449

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2022 - 2024

Editor	: Rev. Thangzauva	9612950043 (M)
Joint Editors	: Upa Lal̄hahluna Ralte	9862570502 (M)
	Upa Zoramthanga	9436362385 (M)
News Editor	: Pi Ruth Lalhmangaihi	9862306787 (M)
Cir. Manager	: Pu Lallawmnakima Hmar	8794905993 (M)
Publisher	: Rev. R. Lalhmingsanga	9534928171 (M)

[Office hun chhúngin biak ni thei se]

Member-te

Rev. Dr. C. Chawngminglana	: Synod Moderator
Upa B. Lalhmunlana	: Synod Secretary (Sr.)
Rev. Dr. K. Lallawmzuala	: Executive Secy., i/c Mission
Upa Lalramlana	: BEC Member
Upa H. Zoramthanga	: BEC Member

Thu chhuah tûr nei chuan hêngahte hian a thawn theih e:

1. Editor/Cir. Manager, Ramthar Chanchinbu, Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8794905993

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lal̄hahluna Ralte	Coordinator

KUM KHAT LĀK MAN - ₹ 60/-

A CHHŪNGA THU AWMTE

1. Editor thukhawcháng	1
2. Keimahni	2
3. Field Chanchin Thar- Barak Area	3-4
4. Sermon	5-9
5. BUH HMUN AṬANGIN:	10-22
(1) Healing Crusade Report - Arunachal E	
(2) Sapangaon Kohhran chanchin	
(3) Belkhai kuaah kan feh	
6. Hei le, Nepal!	23-29
7. Ramthar Feh	29-30
8. Ni. Lalremruatfeli kan then ta!	31-32

KOHRAN PAWIMAWHNA



Rev. Thangzauva

Kohhran pawimawhna hriat loh vângin sawisèl leh do hial te pawh a awm theih avàngin kum 2022 Synod Inkhâwmpui chuan, “*Kohhran pawimawhna inzirtír uar thar leh ni rawh se,*” tiin a rél a (Synod Gen. 2). Kohhran hlutna leh pawimawhna hetiang hian lo sawi ila:

1. Kohhran chu Pathian khawpui (Sam 87:3), a chhúngkua (Eph 2:19), a thisena a lei (Tirh 20:28), Krista taksa (Eph 1:23), Krista Kohhran (Mt 16:18), Vànram chabi kawltu ((Mt 16:19), Pathian Israelte (Gal 6:16), chi thlan, Lal Puithiamho, hnam thianghlim, Pathian mite an ni (1 Pet 2:19). **2. Kohhran** chu Thuthlung Hluia zàwlnei hna laláwntu a ni. **3. Pathian** thuthlung kengtu leh mawhphurtu a ni. **4. Lal Isua** hna chhunzawmtu a ni. **5. Kohhran** chu Beràm huang a ni. **6. Kohhran** chu Bible-a awm tûr thlangtu a ni. **7. Kohhran** chu ringtute thlarau lam choka a ni. **8. Khawtláng nun** siam thaa tinuamtu a ni. **9. Ram hmasâwnna** thlentu a ni. **10. Tanpui ngaite** tanpuitu a ni - Samari mi thaa. **11. Mi beidawngte** beiseina nung leh thar siamsaktu a ni. **12. Kohhran** chuan mi rethei leh hausa a chawk rual. **13. A mite** thlavâng hauhtu a ni. **14. Kohhran** chu ringtute enkawltu a ni. **15. Kohhran** chu tawngtâisaktu a ni. **16. Kohhran** chu hlauhna bâwih ata min chhan chhuaka, nunna kawnga min hruaitu a ni. **17. Kohhran** chu rawngbàwlina kawng sialtu leh rawngbàwl hna petu a ni. **18. Kohhran** chu a mi, suala tlute kai thova, kawng dik leh him kawhmuha hruaitu a ni. **19. Kohhran** chu chhiatni thâtνιαh a tângkai. **20. Kohhran** chu thiam zirna leh nun zirna sikul tângkai tak a ni. **21. Kohhran** chu thurin dik siamtu leh vawng himtu a ni. **22. Kohhran** chu remna Palai a ni. **23. Kohhran** chu ram *politics* leh ram rorèlna khalh ngíla thuràwn petu a ni. Chuvàngin,

*Lalpa, Zion khawpuiah chuan,
Khawngaiha min teltír chuan
Khawvêlin min hmusit mah se,
I hming chauh ka chhuang ang e.*



KEIMAHNI

† TUARPUINA:

1) Pu H.L. Vanmawia (65), Pi H. Lalhmingchhuani, Health Worker, Similiguda (Odisha Mission Field) pa chu ni 19.4.2023 khán Stroke vàngin a thi.

2) Pi Jenny Lalhmingmawii (31), Pu Lalhriatpuia, Evangelist, Tinsorai (Barak Area) nupui chu Lung ÷a lo vàngin ni 25.4.2023 khán a thi.

3) Pu Thanglura (64), Kawrtethawveng, Ni. Lalhlimpuii, Evangelist, Silonijan (Karbi Anglong) pa chu ni 26.4.2023 khán pum ÷a lo vàngin a thi.

4) Pu Lalrosanga (59), Chaltlang, Ni. Lalhmingchhuangi, Evangelist Teacher, Noxatilla (Barak Area) pa chu ni 26.4.2023 khán Thaw-hah vàngin a thi.

5) Ni. Lalremruatfeli (34), Asst. Professor, MTC chu ni 27.4.2023 khán Accident vàngin a thi (A chanchin tlângpui phêk 30&31-ah tàr lan a ni).

6) Pu H. Lalnundanga (83), Tuithiang, Pi H. Lalramchhuani, Evangelist Teacher, Putlungasih (Home Mission South) pa chu ni 28.4.2023 khán Stroke vàngin a thi.

7) Pu H. Thachungnunga (58), Tualpui, Pu Robert Lalhmachhuana, Evangelist, Gautampuri (Delhi Mission Field) pa chu ni 11.5.2023 khán Cancer vàngin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† **HEADMASTER LEH OFFICE ASSISTANT THAR ORIENTATION TRAINING:** Ni 10-12 May, 2023 chhúng khán Headmaster thar (mi pakua) leh Office Assistant thar (mi pali) te pualin Committee Room I, Synod Office-ah Orientation Training a buatsaih a. Tluang takin hun hman a ni.



FIELD CHANCHIN THAR BARAK AREA CHURCH & MISSION

*Rev. Lalrintluanga Ngente
Administrative Secretary
Mobile No: 7630077948*



Barak Area chhúnga hlâwm thuma rusum thlâka kan rawngbàwlna chanchin tlángpui lo thlir thuak thuak ila.

1. Barak Pastoral : He rawngbàwlna hian Bengali hnam leh hnam tê nâwi dang a tinzâwn a, a khai khâwm nán Barak Pastoral vuah a ni. He Presbytery chhúngah hian member 3,407 (kum 2022 inchhiarna) an awm a. Pastor Bial pasarih, Kohhran 34 leh Preaching Station 56 a awm. A ram mi Pastor pathum leh Mizo Pastor pathum an awm a, SMB Pastor pakhat a awm bawk. Direct Evangelism hi kan thawh mékna langsàr a ni a, Tihdam rawngbàwlna leh Craft rawngbàwlna a awm bawk. High Sikul pathum a awm a, Presbytery Primary Sikul pahnih a awm bawk. A ram mi thawktu Evangelist 50 an awm a; a ram mi zíngh Nurse leh Craft Teacher an awm lo. Feh chhuah rawngbàwlnaah harsatna langsàr an tâwk êm êm lo. Kum 2022 chhúngin ringthar 98 an awm a. Kohhran inkhâwmpui hrang hrang a bikimin an hmang thei a. Thilpêkah an thang zêl a, chéng nuairuk chuangin kum hlui budget an khûm.

2. Barak Mission : He rawngbàwlna hi Meitei hnam tinzâwna rawngbàwlna a ni ber a, hnam hlâwm tha tak an ni. Pastor Bial panga a awm a, a ram mi pali leh Mizo pakhat an awm. Kum 2022 inchhiarna angin member 1,386 an awm a, kohhran 17 leh Preaching Station 26 a awm. A ram mi thawktu Evangelist 37 an awm a, Nurse pakhat leh Craft Teacher pakhat an awm bawk. Feh chhuah rawngbàwlnaah harsatna an tâwk lutuk lo. Páwn lam programme lian tham erawh buatsaih a ni rih lo. Kum 2022 chhúngin ringthar 23 an

nei. Kohhran inkhâwmpui hrang hrang pawh an nei thei vek a. Pathian ram thilpêkah pawh hma an sâwn zêl a, an budget pawh chéng nuairiat chuangin an khûm thei a, làwmawm kan ti hle.

3. Cachar Tlángram : He rawngbàwlina hian zo hnahthlâk hnam hrang hrangte a huam ber a, Pastor Bial paruk, Kohhran 31 leh Preaching Station 21 an awm. A ram mi tláng mi zíngah Thawktu 52 an awm mék. Synod Mission Board enkawl Primary Sikul pakhat, Middle Sikul pahnih leh High Sikul pahnih a awm a. Kohhran mal Sikul pathum leh Bial Sikul pakhat aawm bawk. He rawngbàwlina huam chhúngah hian Zohnahthlâk ringlo tam tak leh Bru eng emaw zât an la awm a. Kohhran thâ tichaka, an chipuite nasa zâwka vei thei tura thawhpui an ùl hle a ni. Kohhran inkhâwmpui hrang hrang bial tin ten an hmang thei a. Kum 2022 chhúngin ringthar 75 an nei a. Thilpêk lamah an ñhang viau a, kum hmasa thilpêk pawh chéng nuai 14 chuangin an khûm thei a ni.

Barak Area rawngbàwlina pum puiah hian Presbytery pathum, Pastor bial 18, Kohhran 82 leh Preaching Station 103 a awm mék a. Sikul pariat kan nei bawk. Medical Centre 19 kan nei mék a, Craft Centre pariat kan nei bawk. Kum 2022 chhúngin ringthar 196 kan nei a, làwmawm kan ti hle.

BANK KAL TLANGA RAMTHAR MAN PE DUH TÁN

Account Holder : SYNOD RAMTHAR

Account No : 10665621086

IFSC : SBIN0007058

Bank : State Bank of India

Branch : Mission Veng

Bank-a pete chuan an pêk veleh Circulation

Manager (WhatsApp No. 8794905993) hnênah hriattír ni se.



SERMON ALABASTA THURÛK

(Mk 14:3-9, Mt 26:6-13, Lk 7:36-50, Jn 12:1-8)

Upa Lalthahluna Ralte
Coordinator, SMB
Mobile No: 9862570502



1. Bethani nula Mari: Thuthlung Tharah he Mari chanchin hi vawi thum kan hmu a, a lo lan apiangin Isua ke bulah zêl zu awm a! A vawi khatna chu an chhúngkuain Isua leh a zirtírte chaw ei tùra an sàwm thua khán a ni a. A laizáwn Marthi chu eirawngbáwlin a buai hle a, Mari erawh chu Isua ke bulah awmin a thu a ngaithla a. Marthii buai inti lutuk chuan Isua hnênah a thlen (*complain*) a, Isuan, “*Marthi, Marthi, thil tam tak i ngaihtuah a, i buai a ni a nih hi; thil pakhat chauh a pawimawh e: Marin chan tha chu a thlang a, chu chu lâksak tùr a ni lo ve,*” tiin a thlavâng a hauh a ni (Lk 10:40-42).

A vawi hnihna chu an nuṭa neih chhun Lazara thih thua khán a ni a. Isua hnênah zualko an tír a, ani lah chu a hmanhmawh dêr mai si lo. Mari chuan a va pan a, a ke bulah bawkkhupin, “*Lalpa, heta awm ni la chu ka nuṭâ a thi lo tùr,*” a han ti hnâp mai chu Isua meuh pawh a insúm thei lo, a ṭap ta hial a; ni li lai thlâna awm tawh Lazara chu a kai tho ta a nih kha (Jn 11:32-44).

kan sawi mek hi a ni a. Zàn khat chu phar Simona, pharisai páwl zínga miin Isua leh a zirtírte tán zànah ruai a ṭhehsak a. A nuṭa Lazara chu chaw kilpui tùra sàwm a ni a, a laizáwn Marthii pawh eirawngbáwltute zínga mi a ni. A zirtírte leh mi dangte nèn chaw an ei laiin Mari chuan spiknard hriak rimtui man to tak, duli 300 man (patling kum khat hlawh) lai mai chu Alabasta báwm mawi takin a rawn keng a, a báwm chu tikehin a chhúnga hriak rimtui

A hnuhnung ber chu tûna

chu Isua lú-ah a leih a, a kea far chu a samin a hru a ni.

2. Alabasta thurûk chu:

He Alabasta báwm tihkeh hian rinna thurûk a pai hnem khawp mai. Chûng chu tâwi tê tîn han sawi ila-

1) Isuan kan thil neih hlu ber a phu: Zir mite chuan Alabasta báwm hi lung mawi chi khat 'Alabastar' ker mawi hmanga siam, thil váng tak leh a bur ruak ringawt pawh man to tak niin an sawi a. A chhúnga hriak rimtui (*perfume*) hi thlai váng tak mai, spiknard zung aţanga sàwr chhuah a ni. Marin he thil hlu tak a lo kawl reng mai hi a nu leh pa hnên aţanga a rochun, a hmangaih ber pasala a neih huna, serh leh sâng paw-mawh ber an tih laia a kea chulh atána a vawn that a nih an ring. Chu ngei mai chu a hmangaih ber Isua tán tikehin a bun ruak ta a ni. Hei hian hmangaihna, inserhna leh intukluhna vàwrtàwp a entír a ni.

2) Báwm a keh loh chuan rimtui a chhuak thei

lo: Spiknard hriak rimtui man to tak kha, alabasta báwm tihkeh a nih hma chuan tu man a rim an hre thei lo. Pangpar mawi leh rimtui tak hi a kuhmumin a tuam chhúng chuan khuai leh phengphehlepten an bàwm ngai lo va, a tuam khâwmtu a inphelha, a pàr chhuah chiahin a rimtui a léng chhuak a, khuai leh phengphehlepten a par zu an tlàn thìn a ni. Keh sawm hi kan hlau va, kan inkhuap ţang ţang a; nun rimtui hi kan up bet thìn. Pheh chim leh thiah sawm kan nih chiah hian nun rimtui leh mi dangte tána chaw tak a lo chhuak thìn.

3) Isua tána kan leih buak hi mi dang tán malsàwmna: Marin rimtui a leih buak kha, kha ina awm ve mi dangte tán a ni lo, Isua tán liau liauva a tih a ni. Mahse, a rimtui léng vèl chuan in chhúng a fan chhuak a, miten a zár an zo. Isua tána kan tuirala kan inbun ruah zawh poh leh mi dangte tán malsàwmna kan pe chhuak zâwk a lo ni.

4) Mi dangte mitmei veng lutuk tán inbun ruah theih a ni lo: Phung inthluk tawna leh mitmei inven tawna hi mihring chen hona thilah chuan thil pawimawh tak a ni teh meuh mai, Isua tána inbun ruak tùr leh a aw ngaithla tùr erawh chuan mi dang chu sawi loh, mahni chhia leh ÷ha hriatna ngei pawh thlim a ÷ul cháng a awm fo mai nia! Mari khân in chhúnga awmte kha ráwnin, “**Hei, he rimtui man to tak hi Isua tán leih buak ka duh a, rem in ti tláng em?**” ti se, an remti vek dáwn lo tih a lang sa reng mai. Thutlûkna siam harsa tak emaw, Lalpa nèn chauhva kan chin fel theih thil kan chungah a lo tla a, thutlûkna dik siam tùr leh a aw fir dawng tùrin mihring laka birûk leh an thuràwn ngaihthlák loh ngam a ÷ul cháng a awm fo mai.

5) Ngaimawhtu an lo lang vat: Marin hriak rimtui Isua tán a bun ruah chiah khán sawisêltu an lo lang nghâl ang khán Lalpa tána kan insènso apiang hian insènso

thlawnnaa min ngaihsaktu, a aia awmze nei zâwka insènso dàn thuràwn min petu an awm cháwk. Sawisêltute hi Chanchin ÷ha ziaktu palite sawi dàn a inang vek lo va, ngaihdàn thuhmun an neih erawh chu kha hriak man to tak kha hralha mi retheite tána pêk zâwk awm an ti vek a ni. Vawiin thleng hian hei hi mi tam tak ÷anhmun a la ni reng mai. Eng emaw han ti dáwn ila, kan tuipei zâwng a nih loh chuan, “*Mi rethei ÷anpui nan pêk zâwk àwm,*” kan ti fo. Lal Isua hian retheite ÷anpui hi a ngaihthah a ni lo; amah ngei hi retheite lal, pa leh Pathian a ni a, a rawng-bàwlna pumpui hian a tinzawn ruah a ni. Mahse, a tána kan tih theih tâwksáng ber kan tih dâltu atán chuan a remti lo mai chauh a ni zâwk.

3. Alabasta báwm tih-keh làwmman: Alabasta báwm hlu tak a tihkeh khán a chhúnga hriak rimtui man to tak chu Mari khân a chán teh meuh mai, a vûr lêtna erawh chu hlu tak, hriak rimtuiin a lei zawh rual loh a ni. Isua tána

kan inbun ruah hian engkim chán vek dáwn nia inhriat cháng kan nei a ni thei e, a lo ni hauh lo; a lo lêt leh hlutna hi kan insèsona hian a lei zo lo.

1) *Thlavâng hauhna leh fakna:*

Miten sawisêl mah se, Isuan Mari a ãan tlat, *“Hmeichhia hi engah nge in tihbuai ni? Ka chungah hian thil ãha tak a ti a ni,”* a ti a. Chutah fakna azawnga mawi ber mai, *“A tih theih tâwk a ti a ni,”* a ti zui a ni. Mawi hawih zawnga khawvêlah hian mi tih dân bâka Lalpa tán i chêt vaih chuan sawisêl leh mil loh i hlawh nghâl ang a, thuràwn pawm nahawm tak tak i dawng zut mai ang! Mahse, chutiang mite chu an thlavâng hauh lovin Lalpan a kalsan ngai hauh lo. A pawimawh ber zâwk chu, *“A tán kan tih theih tâwk kan ti em?”* tih hi a ni. Kan tih theih tâwk leh kan phâk tâwk a hria, kan theihna leh thiamna zawng zawng hi ama min pêk a ni. Kan phâk leh theih bâk min phut lui lotu Lalpa hian a tána kan tih theih tâwk

sáng ber a phut tlat a, **“Ka tán a tih theih tâwk a ti a ni”** tih kan chungcháng sawi ve se, a va làwmawm dáwn em!

2) *Hmingthanna:*

Alabasta báwma hriak rimmtui Isua tána bun ruaktu làwmman chu thlavâng hauhna leh faknaah a la tàwp mai lo, chawimawi zui zêl a duh tlat mai. Engtin nge a tih kha, *“Tihtak meuhvin ka hrih a che u, khawvêl zawng zawngah, khawiah pawh he Chanchin ãha hi an hrihna apiangah, he hmeichhe thiltih hi amah hriat rengna túrin an sawi ve zêl ang,”* a ti. Patling kum khat hlawh hriak rimmtui manin a lei zo tawh lo. Lalpa tána kan inbun ruah chian zawh poh leh miten min thlamuanpuia, a ãha zâwngin min hre reng dáwn a lo ni.

3) *Sual ngaihdamna:*

Miten hmeichhe sual an tih huai huai Mari sual chu ngaihdam a ni ta. Hei hi làwmman hlu ber chu a ni. Thlavâng hauhna, fakna leh

hmingthanna aia hlu zâwk, a hnên thlen theihna chabi awm chhun chu a ngaihdamna kan chan chauhvîn a ni. Sual zawng zawng ngaidam theitu kan Pathian hian a ngaihdam ve loh tùr sual a awm tlat, chu chu a hnên kan thlenpui loh sual a ni. Miten awm an tihpui loh, zahpuiawm hiala an ngaih hmeichhe thlavâng hauhna atán Isuan a tawng a sum kar tawh lova, chaw eia sáwmtu


Simona chu a chhuahchhàl ta hmiah mai a ni.

Sual leiba rul thei lo theuh kan ni a, chu chu Lal Isuan min rulhsak a. Ngaihdam phu, chhuanchhuah manhla tak nih hi kan mawh a ni. Lalpa leh a rawngbàwlna atán hian kan nun leh rohlu ber leih buak hi huam ve ila, Alabasta thurûk chu kan lo hre fiah dáwn a lo ni.

Charlotte Elliott 1789-1871
Doh is E,

LEEDS Dr. L. Mason.1792-1872
Joh. 6:37

{	:d	r		m	:-	:	m		s	:-	:	f	:	m		r	:-	:	m		f	:-	:														
	:d	d	:-	:	d		m	:-	:	r	:-	:	d		t	:-	:	d		r	:-	:	d		r	:-	:										
	:m	f		s	:-	:	s		s	:-	:	s	:-	:	s	:-	:	s	:-	:	d	t	:-	:	s		s	:-									
	:d	d	:-	:	d		d	:-	:	d		s ₁	:-	:	s ₁		d	:-	:	d		s	:-	:	s		s	:-									
	Ka	awm		ang	-	in		mang	-	ang		i	-	la,		ln	-	do		leh	ring	-															
	Ka	awm		ang	-	in		Nang	-	in		min	lâwm,		Min	ngai	-	dam,		min																	
{	:l	l	:-	:	s		m	:-	:	d	:-	:	r		m	:-	:	m		s	:-	:	f	:	m		l	:-	:	l		d	:-	:	t	:-	:
	:f	f	:-	:	m		d	:-	:	d		d	:-	:	d		m	:-	:	r	:-	:	d		f	:-	:	f		f	:-	:	t	:-	:		
	:t	d ¹	:-	:	d ¹		s	:-	:	m	:-	:	f		s	:-	:	s	:-	:	d ¹		l	:-	:	l		l	:-	:	t	:-	:				
	:s ₁	d	:-	:	d		d	:-	:	d		d	:-	:	d		d	:-	:	r	:-	:	m		f	:-	:	f		f	:-	:					
	hlel	mah		i	-	la;		Ril	-	ru		leh	pawn		lam		hlah	-	awm	-	in,																
	ti	-	thiang	-	hlím	ang;		l	-	thu	-	tiam	ka		rin		a	-	vàng	-	in,																
{	:l	s	:-	:	s		s	:-	:	f	:	m		r	:-	:	s	:-	:	m	:-	:	l	:-	:	l	:-	:	l	:-	:	l	:-	:			
	:f	m	:-	:	m		m	:-	:	r	:-	:	d		t ₁	:-	:	t ₁	:-	:	d	:-	:	l	:-	:	l	:-	:	l	:-	:	l	:-	:		
	:d ¹	d ¹	:-	:	d ¹		s	:-	:	s	:-	:	s	:-	:	s	:-	:	s	:-	:	s	:-	:	s	:-	:	s	:-	:	s	:-	:	s	:-	:	
	:f	d	:-	:	d		d	:-	:	d		s	:-	:	s ₁	:-	:	d	:-	:	d	:-	:	d	:-	:	d	:-	:	d	:-	:	d	:-	:		
	Ka	Tlan		-	tu,		i		hnên	ka		rawn		pan.																							
	Ka	Tlan		-	tu,		i		hnên	ka		rawn		pan.																							



BUH HMUN AṬANGIN
HEALING CRUSADE REPORT
ARUNACHAL EAST-AH LALPA A ROPUI ZÊL

K. Vanlalhriata
Office Assistant, JES Lakla
Mobile No: 7636904684



Arunachal & Assam Mission Field East chuan Field pum huap Kohhran mi zawng zawngte leh ringlo mi pawh a duh apiang tán ni 22–26 March, 2023 (Wed – Sun) khán Jeruel English School, Lakla-ah Speaker Frederick Lalrindika, Bethel Ministry ruaiin Healing Crusade a buatsaih a. Lalpa hnathawh a ropui tak zet a. Kan Pathian thiltihtheihzia leh a ropui thûkzia kan hril séng lo va, kan puang chuak zo hek lo.

Amaherawhchu, he programme kal tlanga Lalpa hnathawh leh a ropuina lo langte hi puan chhuah lohva awm atán chuan a pamhmai êm mai a. Tâwi têin kan han tár lang a ni.

Inbuatsaihna: He Crusade hi nikum 2022 lama neih tùra tih leh ruahman ni mah sela, kan Speaker-in hun remcháng a neih mai theih loh avànga kumin 2023-a hmang ta kan ni a. Kan Field hotute ruahmannain Organizing Committee din a ni a. Hemi hnuaiah hian Sub-Committee péng hrang hrang siam a ni.

A theih ang angin kan inbuatsaih a, inbuatsaih chiam dàn erawh kan bangbo hle. Kan hriat tlàn angin Mission Field-ah hian a tlángpuiin hêng Pastor bial inkhâwmpuiah te, Presbytery-ah te leh Joint Pastorate-ah te hian kan inthlen dàn tlángpuih Joint Mess a ni deuh zêl a. A hun chhúng Zirtawpni – Pathianni tih leh palai kal tùr tlángpui pawh a hriat theih thìn a. A thlengtu tán inbuatsaih a tisamkhâi êm thìn.

Crusade zet chuan Kohhran mi a duh apiang te

leh ringlo mite pawh a huap vek avàngin rawn kal tùr Chiang taka hriat a har ang bawkin, a rawn kal tùra te pawh an Chiang hlei thei bik lo va. Chu chuan inbuatsaih a tikhawlhkham ang reng viau mai. Mahse Pathian rin-chhanin, a nih nih kan ni mai ang chu tiin, khaw chhia leh ruah súr duh tak kárah huphurh ru tak, phur viau lawi siin kan inbuatsaih chho ta bek bek a.

Crusade òan a ni ta:

Crusade bul kan han òan ta a le! Huphurh rûk ang ngei maiin khua a chêng ta a. Nimahsela a hun hmasa ber aòangin Kohhran mipui ten kan hlut hle mai. Pandal khat zo chiah lo mah ila kan mawi tâwk hle. Pandal hi a dung 140 ft leh a avàng 45 ft a lianin sak a ni a. Mipui pawh kan leng hnem ve fé mai. Pathian thu ngaithlaa, amah beiseia tuihâl mi òhahnem takin bul kan han òan thei a. Kan Speaker hnên aòangin Pathian thuchah ropui tak kan ngaihthlâk bâkah, tihdam rawngbàwlnain bul a òan

ngihâl chat a. Taksa lama harsatna nei mi eng emaw zâtin chawp leh chilha damna an han chang ngihâl mai te khân Crusade boruak a tìr aòangin a chhém nung ngihâl hle tih loh rual a ni lo.

Missionary & Field Workers Retreat: *Healing Crusade* mah ni se, kan Field hotute remhriatna leh kan Speaker òhahnemngaihna azárah Field chhúnga thawktu zawng zawng te, Field Worker te nèn lam *retreat* hlawhtling tak kan han hmang thei te kha a va hlu tak êm!

Kan Speaker-in mihringa awm - taksa, rilru leh thlarau indona chung-cháng lem chang hiala min han zirtír leh hrih fiah te, sual leh thlêmna hneh theih dàn tùr te, mi dangte hmangaih theih dàn tùr min zirtír te chu kan bengah a chám renga. Châkna sual keimahni òhuhva awm, kan do zawh rual loh hneh dàn chu - Lal Isua hi kan nunah lal ber sela, a duh zâwng tiin ni tin amah anna kawngah han òhang lian hmasa phawt mai

ila. Tin, kan theih miah loh mi dangte hmangaih theihna pawh chumi chauh lo chuan neih theih a nih lohzia te thahnemngai taka Bible leh ama tawn hriat leh ni tin a tih dānpfung aṅang te ngeia min han zirtírte chuan kan rawngbàwl zēlnaah rah ṭha a chhuah kan beisei tak zet a. Pathianin malsàwmna a pēk, amaha awm chakna leh thiltihtheihna te chu mal-sàwm ṭawngṭainaa thawk-tute hnēna min han hlàn chhāwng te chuan rawngbàwl zēlnaah kawngro a su ngei ang le.

Thlarau indona: Sawi tâk angin a tir phat aṅang mipuiin kan hlut hle a. Taksa leh thlarau lama harsatna nei tam takin damna kan chang zēl bawk a. A ni telin mipui kan tam telh telh a, inkhâwm apiangin mi 700 – 900 kan ni chho ta deuh zēl mai. Pandal leh ṭhutnain min daih hek lo. Damlo, mahnia insaseng thei lo, ṭhut pawh ṭhu thei lo, hmun hla tak tak aṅanga rawn inphur lût vang vang an kat nuk reng mai bawk a. Ringlo

mite pawh a kàng kai zēl a; Pathianni zíng inkhâwm bîkah phei chuan an pual liau liauva Pathian thuchah pawh ngaihthlâk a ni hial a. Lal Isua ring duha, sàwmna chháng, ringlo mi eng emaw zât an awm hial a ni.

Chûng mipui tam tak kárah chuan thlarau sualin a chenchilh leh a thunun tlat ṭhin te pawh an lo awm nual mai rêng a. A ṭhente chu dàwi hmanga phuar beh tlat te, a ṭhen hlauhna leh mumang lam thlenga tibuaitu nei tlat te an ni hlawm a. Chûng mite chu Speaker kal tlangin Pathianin a hriattír zēl a. Pathian thu leh Thlarau Thianghlim hnathawh zarah tihtlâwm leh hnawh chhuah an ni zēl a. Setana tihmual-phovin a awm a. Lalpa a ropui kher mai.

Bengngawng te beng a vár a, kala lungte awm zung chhuak nghâl te, Spinal Cord ṭha lo - dam nghâl te an awm a. Khawvêl thiamna leh damdawi chakna ring, hun rei tak tak lo inènkawl tawh ten

chawp leh chilha damna an chang lai a hmun ngeia mita hmutute thlarau mit tihvàrin a awm a. Lalpa fakna thâwm thang a mawi hle. YouTube kal tlanga he Programme lo entute zingah pawh damna lo chang an awm zêl mai te chuan Pathian ropuizia leh engkim mai hi a ta leh a hmanrua, a themthiamzia a va tifiyah Chiang Tehlul êm!

Mi thahnem tak a hmuna rawn kal duh rawn kal thei si lo ten damna chan inbeiseiin Reception Counter-ah hming ziak thahnem tak an awm reng a. Damdawia hman atán tui te, tél te, thawmhnawte rawn dahtu mi tam tak an awm thìn bawk. Speaker-in thawnghaia malsàwmin a lo hlàn thianghlim thìn a, damdawi tha tak a nih pawh kan beisei êm êm a ni. Pathian hnathawh ropui tak sawi vek sèn a ni lo ve.

Field Intodelh: Kan Field hi Kohhran kan lian tawh a, sum leh paiah pawh kan intodelh tawh hle kan tihna a ni lo. Chu lamah chuan tan

lâk nasat a la ngai hle mai. Mahse he Crusade kan neih chhúng hian *programme* tina zai thei tùr thawktu leh kan thalai aṅanga zai thiam tak tak kan neih te, hmun dang aṅanga sàwm leh koh buai ngai lova Sound leh Media lama mi hmang cháng hre tak tak thawktute zingah kan lo awm zêl mai te hian kan Field kan vannahzia a tár lang a. Budget tlém tê, a awm ang anga *in-manage* thiam tak kan nei te kha inchhuanna tham a tling. Tlai khat phe chu mi 400 dáwn ar sa Kg. 30 chauhvin puar tláng takin min hrai thei nia maw le!


Arunachal chem sei leh Frederick Lalrindika: Kan Speaker hian hmun hrang hranga a rawngbàwl tawh-naah harsatna leh dodàlna tam tak a tâwk tawh ngeiin a rinawm. Tûn tumah chuan chu lam kan sawi tum a ni lo va, làwm thu a ni zâwk. Kan Field hotuten a chung a kan làwmzia lantírna thilpèk atán Tangsa Traditional dress (a hnung lama fei leh a hma lama chem awm) an thlan chu

a fuh hle a. A thianpa nèn pèk niin, helai rawngbàwlina an neih chhúng inkhâwm apiang deuh thawin an ha ðhìn a. Krista Pasalþha an nihna te pawh a tichiang lehzual hle. Kan Field chhúnga Pastor bial hnih aþangin thilpèk hlan an ni a. Inkhâwm laia Arunachal chem sei an han ak dùn zân mai te kha thlarau sual mai pawh ni lo, mi sual tán pawh an cho-awm loh viau ta ve ang. Chûngte chuan an chungga kan làwmzia phawk chhuak zo lo mah sela, an thinlung takin an làwm ve niin kan hria a, kan hlim tláng hle.

Bul kan ðan dáwn chiah ang maia a lan lai leh, boruak pawh a ðat chhoh zêl laiin kan hun neihin a zir ngang si lo va, Healing Crusade chu Pathian kaihhruaina zarah tuang takin Pathianni zànah kham lo takin a ðiak ta. Kan Field chhúnga rawngbáwltute, Kohhranho te leh ringlo te thleng pawhin he Programme hian rah ðha tak a chhuah chhunzawm zêl theih nán chhiartu zawng zawngte in mi ðawngtaipuina kan ngèn tak meuh meuh a ni.

Lalpa ropui ber se.

Ni 8 October, 1732 (Nilaini)-ah chuan Moravian Missionary pahnih – Tv. John Leonard Dober-a (hlum bél vawtu) leh Pu David Nitsman-a (mistiri) te chuan Dutch lawngin, Copenhagen lawng chawlhna aþangin West Indies pan túrin an chhuak a. Anni pahnih hian Danish West Indies hmuna salho hnêna Chanchin ðha an hril theih nán anmahni chu sal atán an inhralh a. An pahnih hian thu sawi an thiam hle niin an sawi. An nupui fanau te, an ðhenrual ðha te leh mi dang eng emaw zâtin ðap chungin an thlah a. Missionary pahnihte thinlunga lian tak chu – “Beràmno thah hnu khân a hneh a, làwmman ropui tak a dawng a ni. Keini pawh hian amah chu kan zui ve túr a ni,” tih hi a ni a. “Beràmno thah hnu khân a tuarna avàngin làwmman a dawng a ni,” tiin lungchhe taka anmahni thlahtute chu lo vai lêt chungin hmuh phâk lohvah an liam ta a ni.



SAPANGAON KOHHRAN CHANCHIN

R. Lalropuia

Office Assistant, Assam Mission Field

Mobile No: 82493 03349



A awmna lai: Sapangaon hi Assam Mission Field chhúnga Bhairabkunda Pastor bial chhúnga St. Paul School, Bhairabkunda bul lawka awm a ni a. Guwahati ațanga Km 150 báwr vêl Arunachal leh Bhutan inrina laia awm a ni a. India sipaite leh China sipaite insual buai chiamna **Tawang** pawh kha a hla vak lo. Arunachal leh Bhutan-te nèn hian awlsam têin khaw khat ang maiin an inkal pawh zung zung ðhin a ni.

Hun hmasa lam: Hun hmasa lamah Assam Mission Field indan hma, Assam & Arunachal Mission Field West a nih lai, kum 2005 vêlah khán Bhairabkunda-a kan Missionary-te rawngbàwlna huang zauh nána hman a ni a. Gospel campaign leh ni tin Chanchin Ṭha hrila an feh chhuah ðhinna a ni. A hmun hmasa chu tûna kan Biak In dinna piah deuh Silvari-ah hma lâk ðan niin ringthar kan neih hmasak ber, Suniram Hasda (ani hian chatuan ram min pansan tawh) chu Rev. Lalfakawma Chhangtein dam chhúnga Pathian hnung zui tûrin baptisma a chantír a.

Hemi ðum hian mi 15 laiin ringtu chhinchhiahna an chang nghe nghe a. A va ropui tehlu êm!

Biak In hmasa: Silvari-ah hian Biak In hmasa ber chu Pu Dhen Hembrom ram hawhin, sak a ni a. A bul maiah phuah chawp Bêktê zârin Pu Thanga, Field Worker chuan a awm chilh a; zàn lamah Kel leh bawngte nèn riah ho cháng an nei fo ðhin. Chutih lai chuan Silvari Fellowship tih a ni a (Tûnah chuan hetah hian Biak In hi a ding tawh lo). Kum 2008-a Assam Mission Field a lo din khán zau zâwka hma lâk chhoh a ni ta zêl a. 2010-

ah chuan tûna Biak In hmun hi leiin, Biak bûk sak a ni ta a ni. Kohhran hmingah Silvari & Sapangaon Branch Church tih a ni a. Hun a lo kal zêl a, **Sapangaon** Kohhran tih a lo ni ta a ni. Biak In hi Aizawl Chanmari Kohhran Ramthar Committee-in pawisa an tum a. Phûr leh hlim takin Biak In chu sak a ni a, ni 5.1.2011 khán hawn a ni.

A huam chin: Sapangaon khuua mite bâkah, Paharpur te, Silvari te leh Thingpui huan (Bagaan) te a huam a. An inhlatin, a huam chin a zau angreng khawp mai a. Hla tak tak aţangin an rawn inkhâwm ţhìn. A tìrah chuan Bhairabkunda-a thawktuten an enkawl ţhìn a. A hnu deuhvah chuan Biak In bulah hian quarters neiin thawktuten an awm chilh a. Assam Mission Field a nih hnua thawktu awm hmasa ber chu Pu Thanga a ni a. Assam Field a nih hma aţanga lo thawk tawh chu a hmasa ber ni tùrin a hmuna awm chilh hmasatu a ni. Tûn thleng hian Bhairabkunda-a Evangelist

Teacher-te he Kohhranah hian *attach* niin, Evangelist-te nèn phawkhai rual takin an enkawl ho ţhìn a ni. Thawktu hi SMB Evangelist pangain an enkawl tawh a ni. SMB Thawktu awm hmasa ber hi NI. Ramherliani, Staff Nurse a ni.

Quarters lam: Sapangaon hi Kohhran din tìrh phat aţangin Evangelist-in a ţhut chilh nghâl a. Tûna thawktu quarters hi Biak In a din rualin a enkawl zuitu Pu Thanga hi a awm nghâl bawk a. Râp in, leia a bang zùt niin, St. Paul's High School, Bhairabkunda-a Evangelist Teacher hoten an va sakpui lâwp lâwp ţhìn a. Tûna Evangelist quarters hi kum 2011 khán sak a ni a. Quarters pakhat zâwk hi 3rd IR Battalion (Mizoram Armed Police) ten min saksak a; an chungah kan lâwm tak zet. 3rd IR Bn MAP-te hi Assam-a an awm chhúng hian Assam Mission Field tán an thawh hlâwkin an ţangkai tak zet a ni. Kraws sipai an chàwm bâkah Kohhran mamawh chi hrang hrangte min tihsak a. Tha thawh ngaiah min pui

nasa hle bawk a ni. Mizote hi Chanchin Ṭha hril tūr rēnga Pathian siam kan ni berin ka inhre ṭhìn, Kan awmna leh kan dai chinah Isua chanchin sawi lova awm mai mai thiam lo hnam kan niin ka hria.

A mi chēngte: Sapangaon-a kan member-te hi a tam zâwk chu Santhali hnam an ni a, Boro leh Adivasi hnam te pawh an awm bawk. Thawktute ṭawng hman thiam apiang hi Kohhrana ṭawng hman chu a ni ber mai. Hindi, Boro, Santhal, Assamese te a leng vek a. Hnam hrang hrangte indîpdâl lovin, ‘*Vàn lal nau ang a ṭahna Kalvariah an dang chuang lo,*’ tih ang maiin angkhatin an léng za a. Vàn nun an tem lâwk ni berin a lang. Sakhuana lamah Hindu leh Boro sakhua ‘Bathao’ awmin Kristian pawl (kohhran) hrang hrang an awm a ni. Hēng lai hmun hi dàwi leh thlarau sual hnēna inthâwi ching hnam an ni a, vawiin thlengin indàwi leh Black Magic hmanga an mi huat zâwngte sawisak an la ching hle. Ramthim tih-èn

ngai a la awm tam hle a ni. Phungzawl natna te hi he lai vêlah hian a hluar hle a, ramhuai thiltihtheihna dodàl hi rawngbâwlna pawimawh tak a ni bawk. Ringtharte chuan an sakhaw hluia an inthâwinatē hluhlâwna, Isua an rinna avàngin an thil paihte han hmuh phei chuan Pathian pawh hi a lâwm ngawtin a rinawm.

Tûna an dinhmun: Evangelist chhúngkaw khat leh Field Worker pahnih, Kraws Sipai pahnih leh St. Paul’s School aṭangin Evangelist chhúngkaw hnih *Attach*-in an awm mék bawk. Assam Mission Filed chu kum 2022-a Church Court kan lo nih ve tâkah chuan Sapangaon pawh hi Kohhran puitlingah ni 16.10.2022 khán Field Secretary Rev. Billy. Lalrinchhanan a hláng kai a. Kohhran member hi 118 niin, mipa 61 leh hmeichhia 57. Dan zawhkim hi 67, Kohhran chhúngkua awm hlangna 21 leh inawm pawlh chhúngkaw 4 lai an ni. Nikum 2022 chhúng khán ringthar 12 lai an nei a.

Hêng an ringthar neih ðhenkhatte dâwi hmanruate chu Bialtu Pastor F.K. Hlunchhúnga hovin tiralin, Pathian ropui nán an paih nghe nghe a ni.

Good Friday leh Easter:

Good Friday leh Easter Sunday hmanpui túrin minrawn sáwm hlauh mai a. Vànnei ka inti tak zet. Guwahati aţangin kan nupaa kalin, Good Friday leh Easter Sunday chu hlim takin kan hmang ho thei a. Kohhran member inkhâwm kan ðhain, an phûr hlein a hriat. Dár

khatna a rík hmain Biak In tualah an awm nak nak zêl tawh mai a. Dár hmasa a rík rualin kan zai ðan nghâl phat zêl mai. Kohhranhote, in thilpêk leh in ðawngţaiina a thlawn lo tih a lang Chiang khawp mai. A hmuna lo kala in hmuh ve atán kan ît ðhìn khawp mai. Sapangaon Kohhranten Thlarau Thianglim neia tih tak zeta rawng kan bawla, a chhehvêla ring lo tam takte Lalpa hnêna kan hruai theih nán, chhiartute min ðawngţaipui túrin kan ngèn a che u. Lalpan ropuina chang zêl rawh se. Amen.



America rama missionary pakhat hian Red Indian ringthar pakhat chu ramhnuai a kal lai chu a va um pha a. An inkawm bawrh bawrh a. Mis-

sionary chuan, “Lal Isua hi i thinlungin engtin nge a sawi?” a han ti a. Chu ringtharpa chu a ngawi vang vang a, “Ding la, ka hrilh ang che,” a ti a. An bul hnaia hnah rote chu a fawm khawm a, kawng laiah chuan a bialin a dah kual a, a lai a tikua a. A lai awlah chuan changpât hi a dah bawk a. Hnah ro chu a hâl ta a. Hnah a kan vêleh changpât sa ti lutuk chu a vial nawk nawk mai a. A táwpah pheih chuan a che peih ta mang lo va. Chu vêleh changpât chu a kutin a man a, piah deuhva lei dai diaiah chuan a han dah ta a, “Hetiang hian Isuan min chhan chhuak a ni. Ka thinlung hian Isua lakah bat ka nei tih min hrilh a ni,” a ti ta a.

BELKHAI KHUAH KAN FEH

*C. Lalbiakzuala, Evangelist Teacher
Damparengpui, HM North
Mobile No: 9864540948*



Thuhmahruai: Kum dangah kan lo feh chhuah tawh angin kumin (2023)-ah pawh Synod Home Mission School, Damparengpui khuaa bung mékte chu Thaidawr Pastor Bial chhúnga khaw pakhat, Belkhai khuaah feh chhuak tùrin kan inbuatsaih a. Kan theih tâwpin Pathian hnênah kan ÷awngñai a. Vau thla ni 28-31 chhúng va feh kan tum a ni.

Vau thla ni 28 (Thawh- (Community Hall)-ah kan ÷anni) zingah kan Kohhran mi invawm lût a.

Kan kal tho dáwn nge ni ang, mithhi vui zawhah kan kal ang? tiin kan sawi ho va. Kal mai ÷ha kan ti tláng a. Chawhma dár 10:15-ah a lu nungin mi 30 zet chu Belkhai khaw panin kan chhuak ta a. Dárkár thum zet motor-a kalin, tluang takin Belkhai khaw dai kan thleng a.

Belkhai khaw chhúngah motor a luh theih loh avàngin kan mutbû te, kan ei leh in tùr leh kan bungraw ken te chu hláng thlain kan thiar ta a. Belkhai vàntláng in lian

**Belkhai khaw din-
hmun:** Belkhai khuaah hian Chakma hnam hlang an chêng a. Khawtláng hruaitu, Village Council (VC) an awm a, Young Chakma Association (YCA) an ding bawk. Sawrkar enkawl Primary School awmin, SSA enkawl Middle School (Pawl ruat thleng) a awm bawk a ni. Mihring luah mék in chu 115 vêl a awm a, mihring pawh 600 vêl an awm mék a ni.

A khaw chhúngah Khaw- thlangtuipui hnár lui a luang

a, tui an hnianghnàr hle. Sawrkar-in lui tui chu tuidáwtin khaw chhúngah a la a, khaw chhúngah tuizém lian tak a siam a; mahse, tui hi a la lût thei rih lo. Véng tina semna tùr tuidáwt an zam tawh a.

Kohhran dinhmun:

Kohhran din òan - 28.2.2010
 Kohhran mi leh sa - 85
 Kohhran in - 24
 Kohhran mi awm hlangna - 12
 Inawm pawlhna - 12

Belkhai Kohhran hi Branch Church a la ni a; Kohhran Upa an la nei lo.

Hna bul kan òan ta:

Vàntláng in lianah kan innghat a. Kan hahdam ta maw tihah pa òenkhatten zàn lama hun hmanna tùr enthlithlaiin an chhuak a. Eirawngbáwl tùra ruatten eirawng an báwl òan bawk a. Zanriah ei khamah kan inngahna ràl lehlam, SSA

Sikulah pheiin, Light & Sound lam titu ten an hna an han thawk sang sang a; an inpeih veleh kan òan a. Sikul hi a têt avàngin a chhúngah kan leng lo va; sikul bathlàrah leh tualzáwlah mipui an òu a. Thu sawitu, Pu Subash Lalrinsangan Pathian thu a sawi a. Anmahni òawng ngei a Pathian thu an han ngaithla chu an lâwm hle a, an ngaithla òa hlawm hle. Feh chhuak zai páwlin hla pahnih kan rem a. Ruah a sùr tâk avàngin duh angina hun kan hmang rei thei ta lo va.

A tûk (ni 29) zing kárah inòen darhin khaw chhúng inah kan léng kual a. Tûkòuan ei khamah vàntlàngah khèlmualah kalin, Gospel Centenary Volleyball Tournament kan nei a. Khaw chhúng àòangin Team nga an tel thei a, keini lam àòangin Team thum kan tel bawk a. Ruah a sùrin, khèlmual a diak nâl êm êm chungin, inkhelh chhun-zawm zêl a ni a.

Hemi zà n hi chuan kan inngahna vàntláng in lianah hun kan hmang ve thung a. Pu H.T. Lallawtan a kaihruai a, Pu Subash Lalrinsangan Pathian thu a sawi a. Feh chhuak zaipáwlin hla oahnih kan rem leh a. Khawtual naupang leh nulaten Chakma làm an entír a, an thiamine an hmuhnawm hle a ni.

Pathian thu ngaihthlák leh niin, chumi zawhah Kristian Film chhuah a ni a. Tin, hemi zà na lo kal khâwmte kan chhiar chiah lo nân mi 150 – 200 vêl chu an ni ngei ang.

A tûk (Ningani) chawhmaah khaw chhúng in tlawh-in kan léng kual a. Chawhnuah khèlmualah Gospel Volleyball Tournament Final khelh a ni a. Khaw chhúng tlangvâl Team ve ve ten Final an khèl a. Tin, feh chhuakten khawtual tlangvâl te tán Volleyball leh Net thar kan pe a, an lâwm hle niin kan hria.

Hetia Volleyball khelh lai hian a khát tâwkin Pu Subash-an Pathian thu tawi tê tèn a lo sawi ÷hìn a. Volleyball Final khelh lai hian khua a rawn dur leh ta si a. A tûk chu kan haw hun tùr ni tawh mah se ruah a sùr chuan kan haw thei dáwn lo va. Belkhai khua leh Thaidawr péng inkár hi Black Top a la ni lo va, a chhuk chho viau mai si a. Kan hotuten an han sawi ho va, zanriah pawh hma taka eia haw ÷hain an hria a. Zanriah ei kham veleh kan haw ta a. Zàn dár 8:00-ah khua thlengin, Pi K.C. Lalthansangi (Evangelist Teacher) chuan an inah thingpui leh a hmeh min lo pe a, kan lâwm hle.

Làwm thu: A hmasa berin thu sawitu atána sàwm, Pu Subash Lalrinsanga, Evangelist, Marpara hmuna mi chuan kan sàwma ngai pawimawhin hna tûl tak kárah a lo kal thei a, kan lâwm tak meuh meuh a ni. Belkhai hmuna bung mék, Pu V.L.

Lawmkima (Evangelist) leh Pi Lalrinsiami (Staff Nurse) te nupa chungah kan lâwm tak zet zet. An khuaah rawngbâwlin kan kal dáwn tih an lo hriatin phûr takin an lo inbuatsaih a. Kan thlen hnuin ṭha takin min lo dawngsawng bawk a.

Young Chakma Association (YCA) te chungah kan lâwm êm êm bawk, ṭha takin min lo dawnsawn avàngin. Khawtláng hruaitu (VC)-te chungah kan lâwm hle - phal takin vântláng in min hmantír avàngin. Thaidawr Biala rawngbâwlpuite chungah kan va lâwm tehlul êm! An bial chhúngah rawngbâwl min

remtihsak avàngin. Zan hnih chauh riaka an hlo thlawh lai kan thlawhpui ve thei hi kan lâwm a; thlo zau hman lo ma hila kan thlawh ve chhun chuan hna a thawk ve ngeiin kan ringin, kan beisei a ni.

Tin, Pu L.H. Thanga, Ramhlun North te chhúngkuain he kan feh chhuahnaa hman atán ₹ 5,000 lai min pe a, kan lâwm êm êm a ni.

A tàwp berah chuan min hruaitu Pathian chungah kan lâwm tak meuh meuh a ni. Kan tlin loh leh fel lohna haudera khawngaihna rawnbâwl hna thawh min la phalsak ve hi kan lâwm a ni.

Nu pakhat hian a fapa, mipa naupang hnênah hian Pathian thil tih theihzia sawiin, mi sualte pawh mi fela siamtu a nih thu a hrih malh malh a.

A fapa chu a ngawi vang vang a, **“Pathian tih a ni tih ka hria alâwm. Mahse, nute hian an pui nasa êm a ni,”** tiin, nu pawimawhzia tár lang pahin a lo chháng ta reuh a.



HEI LE, NEPAL!

Rev. Vanlalhruaia

Field Secretary

Mobile No: 8729916430



Kum 2020 Synod Inkhâmpuiin Nepal lama insawn tùra min tih leh tâk avàngin kan awm mékna Chhiahtlang Kawn Veng Pastor bialah kum khat kan hmang pumhlûm hman ta lo. Kawnveng Pastor bial hi a nuam kan ti hle mai. Kohhranhote thawhpui an nuam êm êm a, kum khat vêl chauh awm mah ila, ngai takin kan chhuahsan a ni.

Kan bungraw ÷thenkhat pawh kan hawng kim hman ta lo. Kum 2010-a kan chhuk dáwn ang tho khán kan chák êm êm lêm lo va, kan chák lo êm êm lêm chuang lo bawk. Kum khat pawh a tlin hmaa insawn leh nghâl tùra insiam erawh a phùrawm hran lo. A phùrawm lo pawh a ni chuang lo, a ninawm a ni.

Kan buaina hmasa ber chu “*Engtin nge kan kal ang?*” tih a ni. Kum 2020 March thla lai hawl vêl aṭangin khawvêlah Covid 19 hripui a léng a, mi tam takin nunna an chán. Phai lamah phei chuan vei an tam êm êm tih kan hriat bawk avàngin kal dàn tùrah kan buai a ni. Mi dang nêna inawm pawlh lo thei ang ber tùrin

Aizawl - Siliguri motor-a kal thlák kan han rawt deuh dáwn chhin a, ka chhúngte motor rui chi vek an nih avàngin rawt tlang erawh a ngamawm loh. Guwahati-a thlawh thlák kan rél tlu ta. Guwahati - Siliguri ah kan buai leh ta. Rél kan beisei ngam lo, hrí avàngin. Motor *hire* kan titlu leh ta a. Assam Mission Field Secretary, ÷thianpa Billy-an engkim min lo ngaihtuhsak nghâl. Motor duh thlan tùr thlengin min lo buaipui vek mai. Kan lâwm ngei mai. Guwahati aṭanga Siliguri kal nán Car chuan nuam Innova car ngei mai kan *book* ta. *Hire*-na man atán ₹ 15,000.

Kan inpeih thawkhat ta. Inpeih loh rûkna erawh kan la

nei cheu. Kan nu hian a Kalah lungtê a lo pai a, a ná a chhuak leh zauh zauh ðhin. Doctor-in, “*Chhut keh tùr,*” a ti a; mahse, Aizawlah chhut kehna tùr kháwl a lo chhe rual fur mai. Kawng laka harsatna tawh palh hlau chung chungin chhu keh lova kal phawt kan rawt ta. Hri lèn lai a nih avàngin India leh Nepal ramrí kân a buaithlâk thu kan hria a, Nepal-ah kan lût thei ngei dáwn em pawh kan hre lo. Hri kai ve palh kan hlau bawk si, Kan nu Kala lungte awmin min kap ve bawk si. A phurawm teh chiam lo. Mahse Kohhran inkhâwpui hmanga Pathian min kohnaah erawh dâltu awmtír kan tum lo. “*Min tírtupa hian min ngaihtuah mai ang,*” tih chu kan beisei leh kan inngahna a ni. January ni 11-a Aizawl chhuahsan tùrin kan inpeih ta.

January 11 chu le: In kan chhuahsan dáwnin Pi Rozami, Luangmuala kan ðhenawm nu a lo kal a, ðawngtâiin min thlah a, thla a timuang ngei mai. Ka lo ngaihtuah thlen miah loh a

ðawngtâinaah a rawn chham chhuak a - kan in kan chhuahsan ni tùr tak hi “*Chanchin Tha thlen ni*” kan lo tih ðhin, “*Presbyterian Kohhran din ðan ni*” kan tih tâk a lo ni reng mai. Kan zin kawng tùrin rilru a luah deuh va, kan lo hre chang rêng rêng lo a ni.

Car pahnihin chhúngten Lengpui thleng min thlah a. Hlahuh rûk ang ngeiin ka fanu leh kan tê ber chu an han rui nghâl deuh mai a. *Check-in* kan nei dáwn a, boruak ðat laia ðul ngai lêm lo kha hripui léng avànga ðul a lo tam ta. Mahse Mathangi, Dawrupua miin min buaipui a, Indigo-ah a naute thawk an lo awm ve bawk nèn, kan awlsam phah, kan lâwm ngei. Thlawhnaah kan lût ta. *Mask* hren a ngai, *Face shield* vuah a ngai, boruak a lum. Kan thlâwk chhuak ta. Kan fate pathum an rui leh ta tlat mai. Ka buaipuina lamah ka rui ve ðêp lehngghâl. Dár 12:00-ah Guwahati kan thleng thla a. Rawngbâwlpuite zarah vâneihna kan tawng zêl. Motor mahnia zawn chawp ngai

miah lovin Car pahnihin min lo hmuak leh a. Mahnia motor inzawng chawp tùr ni ila kan va buai dáwn tak êm! Airport páwnah pawh a òthen an la luak ta zêl bawk si.

Assam Mission Field *station* kan pan pheii a. Km 28 vêl laia hla a ni àwm e. Khua a lum si, naupangho an rui bawk si, ka va han rui ve teuh òhin êm! Guwahati Pastor leh missionary hovin min lo dawngsawng a, kan thla a muang, hah pawh a dam suai suai e. Airport-a Field Secretary car nêna min lo nghâka, min phurtu Mizo tlangval fel tak Sawmtea chungah khân kan lâwm hle a ni. Motor thawhtu òhianpa, Rev. Billy Lalrinchhana chungah pawh kan lâwm hle mai.

Naktûkah Km 400 aia thui motor-ah kan la chuang leh dáwn, a va nghahhlel-hawm lo ve tak êm! Engtiang taka nasain rui ang i maw?

January 12, 2021:
Guwahati - Siliguri kal nán motor hman kan tum tih hriate

zingah '*ruahmanna siam thiam*' min titu pakhat kan tawng ve. Mi dang chuan Bagdogra (Siliguri) thleng thlâwk tùrin min duh vek. Mahse kan ti lo laklawh tawh si a.

Zíng dár 7:00-a chhuak tùrin kan insiam a, FS te nupain tûkòhuan atán *Fried Rice* min lo siamsak diam mai. Kan han inei puar a, kal a hun dáwn ta. Guwahati Pastor-in òawngòaiin min thlah a, kan lâwm ngei mai. Innova car várah kan lût ta. A *driver* kan biak thiam dáwn loh avàngin min mikhualtuten thil tam tak an hriih lâwk. "*Driver hi a rin tlâk ang maw?*" tih hi òhianpa Billya kha vawi eng zât tak zawt ang i maw? '*Min phur bo mai ang à*', '*Kawng ni lo lamah min kalpui ang à*' tih te ka hlau ru deuh a ni. Ka chhúngte erawh ka hriih lêm lo. Theih ang angin phone aòangin kawng ka lo en ve a, ngaih a òha ta. Kan motor khalhtupa chu nupui leh fapa pakhat nei a ni tih ka hriat hnu chuan ka thla a muang ta huai mai.

Kha driver kha - motor khalh a thiam si, kan tê ber ÷um khat vêl a luak bâk chu tu mah an rui lo. Ka làwm dàn chu nasa tak a ni. Kawngah wavi khat chaw eiin kan ding zawk. Tlai lam dár 4:00 vêlah Siliguri-a kan Mission hmun kan thleng a. Siliguri Field Secretary, Rev. Tluangtea leh thawktu ten min lo hmuak a. Pathian avàngin Siliguri kan thleng a, mi ramah pawh min lo hmuaktu tùr min la pe leh zêl a nih hi. Field Office-ah thawktu missionary-ho ten hlim takin min lo dawng-sawng a, hah a dam leh ta sawng sawng mai.

Kan missionary te tì tì kan han hria a, chhûm avàngin waviinah thlawhna *cancel* vek a lo ni a, a va mak êm! Guwahati-Siliguri motor-a kal kha Pathianin ruah-manna min siampui dàn zâwk a lo ni. Thlawhnaa kal tùr chu ni ila Siliguri kan la thleng lo vang. Guwahati-ah emaw, Kolkata-ah emaw buai takin kan la awm ngei ang. ***“Min tirtupain min ngaihtuah mai ang,”*** kan tih kha!

Siliguri Field Secy-in a tûk zing dár 8:00-a Nepal pan tùrin ruahmanna min siamsak a, Field motor-a min thlah a tum lehngghâl. Chu mai a la ni lo, ÷awng thiam missionary, Sangtea min va thlah tùrin a lo inpeih at bawk. Thla a muang. Vei rûk erawh ka nei. Nepal-a lût tùrin Covid PCR Test Negative Result Certificate a ngai; kan nei si lo. Rawngbàwlpuiten kan luh theih an ring; mahse, ka ngaih a ÷ha lo. ***“Min tirtupa hian min ngaihtuah ang”***tia chhuak kha chu ka ni ve a. Hei chen min ngaihtuah tawh a; mahse, rin zawh hi a va har ÷hìn.

Panitanki (India leh Nepal inrina khua)-a SSB (*ramrîa duty sipaite*) duty-ah an hotupa ber Mizopa, Pu Ngura a awm thu kan hria a. Ani chuan, ***“Harsatna a awm lo vang, an lût êm êm ang,”*** tiin ÷hianpa Tluangtea a lo hrilh tawh a. Mahse ka la ring ngam chuang lo. ÷hianpa Tluangtea ka zawh chiantír leh ngat. Rinnaa kal aiin a Chiang saa kal kha ka duh tlat a ni. Pu Ngura chuan, ***“Nepal***

sipaite kan request dawn alâwm. Anni pawhin an mite India-a lo luhtír tùrin ni tin minrawn request ziah a. An luh an phal lo a nih chuan an mite lo lût tùr kan block ve hmiah mai dawn alâwm,” a lo ti (Lalpa hna thawk tùra lût tùr chu ni lo ila hetiang taka duhsakna hi kan tawng hauh lo vang.) Chu êm chu kan phu lo. Keini chhúng ve mai avànga ram leh ram sipai han inhnial vèl tùr kha kan phu lo. Chutiang a thlen loh nán leh kan luh ngei theih nán, *reserve* atán eng emaw tih a ngai tlat. Kan nei ta. Pathian remruatna a ni zêlin ka hria. Mahse a va inthlahrunawm òhìn ve le!

Kan lût tak tak: Siliguri FS-in òawngtàiin min thlah a, kan kal ta. Rei lo têah Panitanki kan thleng ta mai. 2013 January thlaa Nepal kan chhuahsan dáwna helai hmuna India sipaiin min lo *check* dàn te rilruah a lo lang uai uai mai.

Kan thleng chiaah a,
“Khaw nge Pu Ngura chu?”

ka ti nghâl. Kan hmu ta. A va thlamuanthlâk êm! Nepal lam a *phone* nghâl zung zung a, *“Harsatna in neih chuan minrawn call dawn nia,”* tiin min thlah. A phone number ka díl a, min pe a. Nepal ram chhúng ațangin Whatsapp-a ka va biak leh chuan thil ka hriat belh leh ta. Pu Ngura nèn chuan Pathian thu duh thuhmun kan nei a lo ni a, Whatsapp *profile*-a Pathian thu, Mizo òawng ka dah kha anin Sâp òawngin a lo dah ve thung a. Chu chu *“Kei atán erawh zawng Pathian hnaih hi a òha a ni,”* (Sam 73:28) tih kha a ni. Pathian hnaih chungin hna a thawk ngei òhìnin ka ring.

Kakarvitta-a kan Pastor Nirmal Kumar Limbu leh tlangval pakhatin ramrî-ah min lo hmuak a. Nepal sipai ten eng mah harsatna min lo siam lo; kan lehkha erawh kan han hmuh ve a. Kan lût ta. Pastor quarters ka lo han thleng hmasa a, ka chhúngte an lo thlen ve hma chu ngaih erawh a òha chuang lo.

Ka beisei aiin engkim a

tluang a, âwihawm loh khawpin kan tluang. In kan chhuahsan dáwna kan inngahna kha –*Min tírtupa ngeiin min ngaihtuah a*, ruahmanna min siamsak vek a. A mite, a rawngbáwtute hmangin kan rawngbawlina tùr ramah min hruai lût ta. Ka chhúngte hriat lohvin làwm avàngin ka mittui a tla. Rin tlâk a va han ni chiang êm!

Kan ramah chuan: Min hruai tùrin Kathmandu ațangin field chhúng kohhran thil pawimawh te rawn sem chung zêlin *guruji* (Nepal-ah chuan driver hi ‘guruji’ an ti mai ãhìn) a lo kal a, zàn dár 8:00 vèlah a lo thleng. A tûk zíng dár 6:00 vèla chhuak tùrin kan inruahman a.

Ni 14.1.2021 kua a lo êng ta. Field motor (Sumo Gold)-in Kathmandu panin dár 6:00 leh tlémah Kakarvitta kan chhuahsan a, phaizáwl kawng vek a ni nachungin ka fate pahnih chu an rui mauh mai. Kawng hnai lamah Km 457 vèl tlàn a ngai a, kawng thui lamah chuan Km 522 vèl a ni

àwm e. Km 276 kan tlân a, Bardibas-ah chaw kan fâk a (1:00 PM). Chuta țang chuan kawng hnai zâwk, tláng kawngah, kawng kual nghet nghet tamna lamah kan tlân ta a. Chhúngte an ruih ka hlauh nèn tu mah an rui lo - a hmun a mawi êm vâng te pawh a ni mahna. Kan guruji-ah chu a nuih a zâ a. *“Phai kawngah in rui a, tláng kawngah in rui mang si lo,”* a ti a, a nui kur kur mai a. Kual nghet nghet kan pèl a, Nepal-ah lui hmingthang pakhat Sun Koshi (Rangkachak lui) ruam kan lût ta, a va mawi êm! Kan Pathian themthiamzia a va chiang ãhìn êm!

Chu lui dung zui zêl chuan, lui hnár lam panin kan tlân a, kawng a țha fu mai. Luikam kawng lai a buai-thlâk deuhnaah chuan lai vak lovin lui kuang ațangin lung an rawn rem chho va, kawng an dawh mai a, an remhre khawp mai. Motor a lùn lutuk lo va, a tlân chhun te erawh an hmanhmawh êm êm mai. Țum khat phei chu bike-in min rawn su ngei dáwn niin a ka

hria a; mahse, min su lo
hlah.

Tluang takin kan tlân a,
Pathian min hruaina azarah
tlai dár 6:27-ah chiah kan
awmna tùr in kan lût. Kan
Missionary-ten min lo hmuak
a, ei tùr leh in tùr min lo
buatsaihsak a, kan lâwm ngei
mai. Pathian hruaina duhawm
leh làwmawm tak kan chang

a, a ropui kan ti êm êm a ni.
Min ÷awngtaipuitu - Hliappui
Pastor bial leh Chhiahtlang
Kawnveng biala kohhran ho te
leh kan chhúng te, kan ÷hian
te hnênah làwm thu kan sawi
mawlh mawlh a ni.

Kum hnih chuang zet kan
lo awm ta - vawin thlengin
Pathian hnênah làwm thu kan
sawi mawlh mawlh e.

RAMTHAR FEH

1. Field hming : Home Mission South
2. Khua : Tuikawi
3. Tlawh hun : Ni 30 Nov. – 5 Dec., 2022
4. Tlawhtu : Bawngkawn Brigade Kohhran
5. Kal zât : Mipa – 3; Hmeichhia – 6
6. Tlawh chhan : Thawktute tlawh chhuah
7. Sênso : ₹ 1,26,610
8. Làwmawm lam : Ni 30 (Nilaini) zing dár 5;30-ah Biak
In kawtah Upa R. Thanthuaama, Chairman a ÷awngtai a. Sumo-
in Aizawl kan chhuahsan a. Tuiruankai lei a lo chhiat avàngin
dárkár thum kan tang a. Zàn dár 10:00-ah Diblibagh kan thleng
a. Thawktute quarters-ah insem darhin kan riak ta a ni.

Ni 1.12.22 (Ningani) zing dár 7:30-ah Khawthlangtuipui
lawnga zawh chhovin, Tuikawi chu zing dár 10:00-ah kan
thleng a. Thawktuten min lo hmuak a. Chawhlui min lo
buatsaihsak chu hlim takin kan kíl ho va.

Ni 2 (Zirtawpni) hian thawktute kan tlawh kual a.
Bangladesh ramrî, Thekaduar kan tlawh bawk a; rilru an

khawih khawp mai. Inrinniah thawktute kan tlawh kual a; zàn Pathian Biak Inkhâwmah Pu Hrangzawna, Ramthar ziaktuin thu a sawi a. Pathianni chawhma Sunday School kan chhim a. Chawhnu lamah Sumasumi, lawnga dârkâr khat kal kan tlawh bawk a. Tv. Lalhmangihchhuanga, N. Khawbung khua amah chauhva thawk chu kan tlawh chhuak bawk a, an lo lâwm thiam hle. Pathianni zàn Pathian Biak Inkhâwm, Tuikawiah chuan Upa R. Thanṭhuama, Ramthar Chairman-in thu a sawi a ni.

Tuikawia kan chàm chhúng hian Pu Lalhruaitluanga Ralte, Headmaster leh a thawhpuiten min bauipui nasain, kan chungah an ṭha êm êm a, an chungah kan lâwm hle. A ṭûl anga an hman atán thawktute kutah hêngte hi kan hlân:

- | | | |
|-----|-----------|------------|
| (1) | Tuikawi | - ₹ 50,000 |
| (2) | Diblibagh | - ₹ 3,000 |
| (3) | Sumasumi | - ₹ 3,000 |

9. Làwmawm lo lam: Kan va tlawh chhuah khuate hi thawktute tih loh chu Chakma deuh vek an ni a. Sumasumi leh Tuikawi pheih hi chu motor a luh loh avàngin tlawhtu hi an nei ngai meuh lo va, an khua a har ṭhìn hle a ni. Kan va tlawh chhuak pawh hi an lâwm thiam hle mai.

Ni 5 (Thawṭanni) zing dár 5:30-ah Tuikawi chhuahsanin Aizawl lam kan pan a. Lungsen leh Lunglei bulah kan motor a chhiat avàngin dârkâr thum kan chàwl a. Aizawl chu zàn dár 11:45-ah Aizawl kan thleng a. Kan chàm chhúng zawng leh dam taka Aizawl min hruai thlengtut Pathian chungah kan lâwm tak meuh a ni.

Hrangzawna, Ramthar Ziaktu



NULA LALREMRUATFELI (1988-2023) KAN ṬHEN TA!

NI. Lalremruatfeli hi Pu F. Zamliaana leh Pi Lalhmelṭhai te fa hming koh niin, ni 28.10.1988 khán Phulpui khuaah a piang a. Pianpui unau pali – mipa pakhat leh hmeichhia pathum a nei a ni.

A pa sipai a nih avàngin Hyderabad-ah zirna bul a ṭan a. Phulpui khuaa lêt leh zawkin páwl khat hi Phulpuiah a kai a. Kum 1995-ah a pa hnathawhna, Darjeeling-ah an awm tâk avàngin hetah hian Primary School a zo va. Kum 1999-ah Shillong-ah an insawn a. Hetah hian BA (Economics) a zawh thlengin a zir ta a ni. Sikul/College-a a zir lai hian Computer-ah Diploma Course leh BA (Hindi) a zo bawk a ni. Kum 2012 aṭanga 2013 February thleng Presbyterian English School, Republic Vengah zirtirtu hna a thawk a ni.

NI. Mafeli hi mi nunném, zaidam, thu âwih thei, mi pawî sawî ngai lo, lehkha thiam thei tak, inngaitlâwm, mi ṭawng tlém leh zakzum tak a ni a. A chhúngte leh amah hre Chiangtute hian a nunah sawisèl tùr an nei tlém hle. A nun a mawi a, mi dang tán hnawksakin a awm ngai lo va, a nunah chaponain hmun a chang lo a ni. Tin, hmangaihna a ngah a, mawhphurhna a ngai pawimawhin theih tâwp chhuahin hlen hrâm a tum ṭhìn. Unau zínga upa ber nih a tlin hle - chhúngkua a ngaihsak a, thawh hreh a nei lo. A nu leh pa, a pi leh pu, leh a unaute hi a nunah an hahchàwl ṭhìn.

A naupan têt aṭanga a tum lian ber chu missionary nih a ni a. M Th a zir zawh hian a tih ṭhat avàngin an zirtirtute leh a chhúngte pawhin D Th zir nghâl tùrin an duh a. Mahse, ani chuan missionary-a kal thuai thuai a duh avàngin Synod Mission Board-ah missionary hna a díl ta zâwk a. 2019 kum tàwpah Missionary atána lâk niin, SMB chuan Presbyterian

English Language Institute (PELI), Nepal Mission Field-a thawk tûrin a tír a. Kum 2020 chhúng a thawk a; SMB chuan Missionary Training College, Mission Vengthlanga Assistant Professor hna thawk tûrin a la chhuak leh ta a ni. Hetah hian a thih thlengin a thawk a ni.

Vànduaithlâk takin, NI. Mafeli hian kum 2012 September thlaa an unauva in luaha an indan hnu lawk aţangin rilru lam natna hrehawm tak – ‘*depression*’ a nei hlauh mai a. Hetiang lama mi thiamte panpui niin, hmangaih taka enkawl a ni a. Chhúngkhat leh thenrual ţhaten an ţawngţaipui reng bawk a. Gospel Camping-ah te a lût a, hlim takin a lo chhuak a. Camping zawh chuan BD zir a duh thu chu a chhúngte a han hrih a; a chhúngte pawhin an lo remti bawk a. BD a zawh hian missionary-a kal mai a rilrûk a; mahse, a chhúngte thuràwn pawmin M Th a zo leh ta a ni.

A natna hi a ziaawm chho viau va. Missionary hna a thawh hnu phei chuan a ţha tawh hle a. Ţawngţai mi a ni a, Ţawngţai a ngai hlu hle. A chhúngte hian amah hrethiam takin duhsak takin an Ţawngţaipui ţhìn.

April thla lai hâwl vêl aţangin depression hian a tibuai leh a. Rilru buai harsatna nasa tak a neih avàng hian a chhúngte pawhin an buaipui a. Amaherawhchu, ni 27 April, 2023 hian a zing tho chu a buai leh ta a. A chhúngte pawhin an chhan hman lohvin a hun zawng zawng Pathian tána hlàntu chuan chatuan ramah min lo kalsan ta a ni.

Hemi ni vêk hian Rev. R. Lalhminganga, Secretary, SMB chuan an chènna in, Mualpuiah a vui a. Kohhran mipui ţhahnem takin ui takin NI. Lalremruatfeli chu an thlah a ni.

Synod Mission Board chuan NI. Lalremruatfeli hi a ui tak zet a ni. Pathianin lusún chhúngte leh a rawngbàwlpui zawng zawngte thlamuan rawh se.



MEMBER THAR 2023

	Field	Hawn Kum	BS/AS/FS/Director	Jan-Apr 2023
I. HOME MISSION				
1	Home Mission North	1949	*Rev. R. Lalmingsanga	15
2	Home Mission South	1987	Rev. H. Lallanzara	22
II. NORTH EAST REGION				
1	Arunachal 'E'	1991	Rev. R. Vanlalruata	19
2	Arunachal 'N'	2016	Rev. Lalthanhawla	22
3	Arunachal 'W'	2001	Rev. Malsawmluanga	49
4	Assam	2008	Rev. Billy Lalrinchhana	24
5	Barak Area	1975	Rev. Lalrintuanga Ngente	48
6	Karbi Anglong	1989	Rev. R. Lalthapua	48
7	Tripura	1986	Rev. H. Lalrinsanga	342
III. CENTRAL REGION				
1	Delhi	1988	Rev. Lalthazuala	84
2	Jharkhand	2008	Rev. C. Lalthanzara	221
3	Calcutta	1988	Rev. J.C. Lalramliana	354
4	Lucknow	1999	Rev. Dailamthanga	23
5	Nepal	2000	Rev. Vanlalhruala	58
6	Odisha	2016	Rev. Lalrintuanga	29
7	Patna	1999	Rev. K. Vanlahriata	75
8	Siliguri	1988	Rev. Lalrinfela Pachuau	40
IV. FIELD PUITLING LO, HMA LÄKNA LIAN				
1	Masihi Sangati	1979	Rev. Zochuanmawia	1988
2	Cambodia	2010	Rev. Benjamin Lalrinmawia BELH KHAWM	3461

*Home Mission North hatsu hatsu hraspa nei lovin, Disapui huan a eukaula a ni.

MISSIONARY REFRESHER COURSE TRAINEES 2023



- Tiar 1-na:** Runremsangi, Zonunmawii, K. Lalchhanhimi, Lalchamliani, Lalêngzuali, Lalhimpuii, V. Lalremruati, L.H. Ngaihneimi, R.C. Vanlalhumi, Lalhmangaihazami Ralte, C. Lalhmangaihazuali, Vanlalngheti, Vanlalzawni
- Tiar 2-na:** Ramesh Lalfala, M.B. Laltanpuia, R. Lalfakzuala, R. Lalropuia, A. Ralliansanga, P.C. Zoremsiama, F. Biaksailova, C. Lalrinzuala, K.C. Lalsawmliana, H.C. Laldinmawia, S.R. Lalnunmawia
- Tiar 2-na:** Saingura Sailo, Zothanpuia Hrahsele, R. Siamliana, John Lalremruata, Lalramthanzawna
Thlaläka lang lote:
 Lalthankima Chhangte, C. Lalthiamuana, C. Vanlalimalsawmi,

KAN THEN TÂK
NI. Lalremruatfeli (1988-2023)
Asst Professor, MTC

NI. Mafeli hi mi nunném, zaidam, thu àwih thei, mi pawí sawi ngai lo, lehkha thiam thei tak, inngaitáwm, mi jawng tlém leh zakzum tak a ni a. A chhúngte leh amah hre chiangtute hian a nunah sawisèl tùr an nei tlém hle. A nun a mawi a, mi dang tán hnawksakin a awm ngai lo va, a nunah chaponain hmun a chang lo a ni. Tin, hmangaihna a ngah a, mawhpurhna a ngai pawlmawhin theih táwp chhuahin hlen hrám a tum thín. Unau zínnga upa ber nih a tlin hle - chhúngkua a ngaihsak a, thawh hreh a nei lo. A nu leh pa, a pi leh pu, leh a unaute hi a nunah an hahchàwl thín.



NURSE REFRESHER TRAINEE-TE (3.4.2023-3.6.2023)



THU (vei lam atangin):
 Lalnunpuii
 R.C. Lallawmzuali
 Lalduhawmi Tochhawng
 R. Laljanpuii
 Lalsangpuii
 R.H. Thanmawii

DING (Vei lam atangin):
 Lalhmachhuani
 Lallawmzuali
 Ramherliani Pachuau
 LalJanmawii
 Lalmalsawma
 Lalawmpuii
 Lalduhawmi
 Lalrinpuii
 Laldintluangi Chhangte

If not delivered please return to:
 The Manager
 Ramthar Chanchinbu
 Synod Office, Aizawl, Mizoram
 India. Pin-796001

To,
